

Tur cos ta cla pa Festival di Tumberito pa e proximo Carnaval

ORANJESTAD - Comision Tumberito di Stichting Arubaanse Carnaval ta cuminsa cu un palabra di gradicimento pa e yamado na miembronan di prensa pa asina por presenta e concepto nobo di Festival di Tumberito na e comunidad carnavalesco Arubano.

Comision Tumberito ta consisti di Ralph Croes (president), Sra. Emilenne Boekhoudt, Sra. Susan Boekhoudt-Kelly, Sra. Rosa Croes y Sr. Albertico

Flanegin.

Festival Tumberito 2010

E Festival di Tumberito lo tuma lugar riba dia 24 di januari 2010, cual ta e dia siguiente na festival di Tumba Grandi y prome cu Dia Nacional (Dia di Betico). Festival di Tumberito lo tuma lugar den Sportboys na Angochi (Santa Cruz) y lo cuminsa pa 7or di anochi pa termina pa mei anochi.

Sigui lesa pagina 9





Continuacion di pagina 8



Di e modo aki tambe dunando respet na nos dia nacional. Ta meta di Comision Tumberito pa yega na e cantidad maximo di 30 participante parti riba e dos categorianan, esta Tumberito Infantil y Hubenil. Acompaño di e Tumberitonan Pa Carnaval 56 e Comision Tumberito a scoge pa un banda musical existente y cu tin un bon acogida bou di e hubentud cu ta gusta musica bailable acompaña e Tumberitonan.

E banda aki lo ta Orkesta Privé. Comision Tumberito y SAC ta den deliberacion ainda cu e banda Privé pa loke ta trata e areglonan di trabou (contract), pero ambos partido a duna nan palabra di lo haci loke ta necesario pa por traha hunto. Si pa cualkier motibo tin cambio den esaki, lo anuncia esaki na su debido tempo. Acompaño den cuerpo di coro Pa Festival di Tumberito e comision a scoge pa forma un cuerpo fiho di corista, kendenan lo ensaya cu e muchanan bou guia di sra. Milly Hernandez. E cuerpo completo di coro lo compaña e Tumberitonan cu sosten y guia tambe di sra. Maybeline Arends-Croes. Inscripcion Pa crea e ambiente den Festival di Tumberito hopi

parecido na esun di Festival di Tumba (grandi) e comision a scoge pa organiza un solo momento cu e Tumberitonan ta bini hunto pa inscribi. Esaki ta necesario tambe pa motibo di e temporada corto di Carnaval 56 mirando cu ta den januari caba Festival di Tumberito lo tuma lugar. Dia di inscripcion ta dia 12 di December 2009 (=12 di 12) den Balashi Gardens di 4or pa 7or di atardi. Pa no mezcla musica carnavalesco cu temporada di fin di aña e comision tin intension di invita un agrupacion di gaita pa deleita e publico presente cu e musica di fin di aña. Pa

formulario di inscripcion por pasa libremente na oficina di SAC den siman di 10or di mainta pa 3or di atardi. Of por haci uso di e formulario digital cu por download for di website di SAC, esta www.carnavalaruba.net. Pesey mes for di aki Comision Tumberito ta invita tur mayor pa dicidi tempran y haci e preparacionnan necesario pa por participa

den Festival di Tumberito. Training ta cuminsa dia 2 di januari, asina ta cuminsa tempran y bin inscribi dia 12 di December sin falta pa bo no keda afo. Comision Tumberito lo kier reconoce dos persona cu den e existencia di Festival di Tumberito pa e ultimo añanan a sa di colabora masha hopi mes cu e festival. E personanan aki lo keda

anuncia dia 12 di 12, dia di inscripcion. Pa finaliza Comision Tumberito kier extende un palabra di DANKI na tur e sponsornan cu ta duna nan aporte na nan manera na e festival. Tambe ta bay un DANKI na directiva di SAC cu ta duna e miembronan di e comision e confianza pa sigui organiza Festival di Tumberito.